

آبونه شرائطی

ممالك عثمانیه ده سنه لکی (۶۵)، الق
ایلی (۳۵) غروشدور .

ممالك اجنبیه ده سنه لکی (۱۷)، الق
ایلی (۹) فرانقادر .

اداره خانه

باب عالی جاده سنده دائره مخصوصه

اخطارات

آبونه بدلی پشندور .

§

ملکه موافق آثار مع المصنویه قبول
اولنور . درج ابدلین یازیلر اعاده
اولونماز .



۱۳۳۰

عدد ۲۶۳

۲۳ شوال ۱۳۳۱

پنجشنبه

۱۲ ایلول ۱۳۲۹

جلد ۱۱

اخطارات

رساله مزدهن آلمدیغی کو-تزلک شرطیه
بتون یازیلر هر هانکی رفوزنه طرفندن
اقتباس اولونه بیلیر .

§

مکتوبلرک، امضالرک و ضح و اوقوناقلی
اولمسی و آبونه صره نومردوسی محتوی
بولومسی لازمدور .

§

ممالك اجنبیه ایچون آبونه اولانلرک
آدرسلیرک فرانسیزجه ده یازلمسی دجا
اولنور .

§

پاره کوندرلدیکی زمان نه یه دائر اولدیغیک
واضعا بیلدیلمسی دجا اولنور .

ایشته بز دینزك امرلرینه بو صورتله اطاعتسزك ، رعایتسزك ایتدك . بتون بونلری یابدق . نه اولدق ؟ ایکیوز بیک عسکریمز درلو ، درلو صورتلرده شهید اولدی . مجروحلریمز چامورلر ایچنده قیورانه رق ، دشمن سونکولری آلتنده ایکیلهرك جان ویردی .

بشیوز بیک مسلمان ، حضرت محمدك بشیوز بیک امتی ، هالاک بشیوز بیک اولادی ، روم ایلیك بشیوز بیک یاوروسی ، دنیانك اك وحشی قومنه دكل ، اك وحشی حیوانلرینه رحمت او قوده حق صورتده بوغازلندی ، یاقیلدی . یوز بیکدن فضله حر و محترم مسلمان اولادی ، آنادولو قوزوسی دشمنه اسیردوشدی . انواع اشکنجدرله معروض قالدی . اك ، اك نهایت تل اورکولری ایچنده اك طاش یورکیلرک توپلریخی اورپرده جک بر صورتده شهید ایدیلدی . جامه لریمز کایسا ، آخیر اولدی . محمدر ، احمدلر ، نیقو ، یوان ، اسپرو اولدی . هلال قیریلدی ، دوشدی . یرینه صلیب بتون شامتیه دیکیلدی . دنیانك اك سفیل مخلوقلری اوکنده ، صلاح الدین ایوبینك خلفلرینك قلیچی قیریلدی . اکیلیمین باشمز کوکسمزه دوشدی . سفیل اولدق .. حقیر اولدق .. دها .. دها وار ؛ فقط صایمق ایستهم .

ای مسلمان ، ایشته دینکه عدم رعایتك جزاسی . شیمدی اولان اولدی ، بیتن بیتدی ، کیدن کیتدی ، بوندن « صکره » سنه باقم . فقط بوندن « اول » نیده اونو تمیمه . اونو تورسه ق « صکره » سنه باقامش اولورز . چونکه : بو کونك « صکره » سی یارینك دکلسه او برکونك « اول » یدر .

ئوت . بوندن صکره سنه باقم ! ديدك . استقباله دوغری کوزیمزی چه ووروب بر دقیقه ایچین دریای تفکره دالام ؛ کورورز که بو لحظه تفکریمزده اك زیاده قولاقلریمزده چینلایان صداشودر . : « مسلمانلر ، استقبالی قازانمق ایچین دکنزه حاکم اولیکز ! » ایشته ، دینداشلر نظر دقتکزی جاب ایده جکم نقطه بودر . بو کون حیاتمزه قصدایده جک قوت سونکولردن زیاده دره دناوط طوپلری در . بو کون حیاتمزی قورتاراجق ده ینه اوطوپلردر ، آتش پوسکورهن ، لافیرلاتان اوده میر آغیزلردر . غرب حدودیمزده کی بر ایکی دولتی تپه له مک ایچین - ای استعمال ایدیلک شرطیه - سونکولریمز کافیدر اول الله . فقط بعضیسی بحرأ وجودیمزك اك نازك بر نقطه سنه ، قلبمزه تااورته سنه خنجرینی صاپلیه بیایر . بز ایسه قوه بحریه جه ، یوکسک بر موقعده بولونیرسه ق استقلالمزه ابدی وازلی دشمنك لایعد سونکوسنی دور دورورز . یعنی ازهرجهت یاشامق ، استقلالمزی بایدار ایتک ، مسلمانلری مسعود ایتک ایستورسه ق قوه بحریه مزك اعلا ایدیله سنك یولنی بولمالی یز .

بو کون اوچیوز میلون مسلمان اسیردر . صلیک اسیردر . بونلری قورتارمق دکلسه ده اذواجنايه ، تضییته معروض پیراقامق لازمدر . بو ایسه قوی ، بالخاصه بحرأ خاطرمن صایلیلر اولقله اولور . شیمدیکی حال برملانز بیله اونلره ، او مظلوملره عین رحمتدر . بز اولمازسه ق

۷ (رساله فی حق الشیوخ) : خط دستیه محرر نسخہ سی طرف عاجزیدن (مناسرت) کتبخانه سنه اهدا قیلنمشدی .

۸ (رساله فی حق الاجتهاد)

۹ (رساله فی سنة العصر) علی افندی ده

۱۰ (شرح عوامل)

۱۱ (رساله من العقائد) بر نسخہ سی اسعد افندی کتبخانه سنه واردر .

۱۲ (رساله وبا و طاعون) مستولی خسته لقلرک هویتیه فرار وعدم فرارک کیفیت جوازینه دأردر .

بروسه لی محمد طاهر

مَقَالَات

مسلمانلر ، استقلاللرینی آنجق حقیقه مسلمان اولقله محافظه ایده یلیرلر .

سرلوحه می کوره نلر : نیچون ، بز حقیقه مسلمان دکلزده یالاندیمی مسلمانز ؟ دییه جکلردر . بن ، تکرار ایده جکم : بز مسلمانلر نه وقت حقیقه مسلمان اولورسه ق ، یعنی دینزك علویت و قیمتی تقدیر ایدرک اونك او امرینی حقیقه ایفا ایدرسه ق ، اوزمان دنیاده مسعود یاشامق ایچین نه لازمه هپسنه مالک اولدینمزی کوره جکزر . بو ، محققدر . بو کون دوشونم : باشمزه نه کی فناقلر کلشسه هپسنك مسببی دینسز لکدر . بیلنم لیدرکه ، دینسزك اهل یالکز کتابک غیری اولاق دیمک دکلدر . دینك او امرینی استخفاف ایدن بر مسلمان ده دینسز ، همدقه قمرلی دینسزدر . عادی دینسز ، دینی اولما دیندن بر درجه یه قدر معذوردر . فقط دینی اولان وبا خصوص دنیانك اك علوی دیننه صاحب بولونان بر مسلمانك دینی استخفافی ، اوکا عدم رعایت و اطاعتی هیچ بروقت معذور کوروله مز .

الله ، بزه : دشمنلریکز فصل حاضر لایرسه اونلردن کری قالمایکز ! دیدی . ایشته سزه بر امر دینی . یابدقی ؛ دینز بزه امر ایدیور : بر بریکزی به یکز ، اتحاد ایدیکز . بز ایسه ، بر بریمزك کوزینی اویدق . بر بریمزك آياغك آلتنه قاربوز قابوغی قویمغه چالیشدق . حرص ، کوزیمزی او قدر بورومشدی که ، آرده مملکتک فدا اولدیننی بیله کورمبورددق . دینز بزه امر ایدیور : محاربه ده دشمنك اوکندن قاجیکز ، دین اوغورنده چارپیشکز ، اولدیریکز . عکس تقدیرده الله ذوالجلال سزی شویله یاقار ، بویله تجزیه ایدر . بز ، بوکا مقابل بیلیم نه کی بر سوقک تحت تأثیرنده اردوده « بوزغوناق وار » سوزینی چیقاریور ، چارپیشه جغمز ، اولدیره جکمز یرده سلاحه زی آتیوردق . وطن اوغورنده اوله جکمز یرده دها دشمن کله دن هر شیئی ترک ایدرک قاجیوردق .

وای او بیچاره لرك حانه ... دیمكه بز كنديمزدن بشقه اوچوز كسور
میلون مسلمانان ده دوشونمكه مجبورز .

بتون بونلر ، دینك امرینه اطاعتله اولور . دینك ایکی اسری ،
بوراده وهله خاطره کلیر : دشمنلر بکرك سلاخلاندینی سلاخلره کنديکزی
تجهیز ایدیکز . « اغانه » ویریکز . باخصوص اغانه ایچین متعدد آیات
کریمه واحادیث نبویه واردر . بز بو امرلره اطاعت ایتهدیکمزدندرکه
بو حالره اوغرادق . بو کون محققدرکه اگر دونمماز آق دکره حاکم
اولایدی ، یونان دونماسنه تفوق ایدیدی - که فائق اولدینی ادعا
ایدن متخصصلره واردر - بو حالرك یوزده بری اولمازدی . فقط
هیئات ... صانکه المک امری بزه دکلده ، دنیانک الک سفیل ، الک
بدطینت آدملرینه ایمش . بو ، آلق ، فقط حیتلی ملت بتون بوقازانچلری
شیمدیک عثمانلی طور اغنک یتشیدردیکی بر آودرو فهدیوندر . یونانلیر ،
بوچالیشقان ملت ، غالبیلرینه رغماً ینه چالیشورلر . نرده ، صاتیلق
بر کھی اولسه یونانلی اوراده اثبات وجود ایدر . قوه بحریه سنک تزییدی
ایچین هیچ بر فداکارلقدن چکیمز . یونان اغنیاسندن مصرک
امریقانک ، حتی ضعیف ونحیف تورکیانک قانی آمدن بو سلوکلردن
بحث ایتیه جکم . یونان بحریه نظارتنک قاصه لرینک الک بویوک استنادکاهی
سزده شاشکنز بنده ، غارصونلر آلایدر . امریقانک ، مصرک ،
تورکیانک میخانه لرنده ، بیراخانه لرنده الخ چالیشان ، هر کسک
اکمردار تفوهاته ایوالله دییهن بوچالیشقان آرلردر . امین اولمیدرکه
یونان بحریه نظارتنک غزته لرنده کوربلن صوک تشبثنک ظهیری بو سفیل
آدملردر .

یونانلیر بوراده کھی آلیرکن ، روسلر بوسه وکیلی دوستمز !!
اونلرده هر سنه دستکاهلره متعدد حرب کیلری قویارکن بز عیجانه
یایوروز؟ شیمدی ای مسلمانلردوشونکز ؛ بتون بونلره بز شیمدی اولدینی کھی
سیرجی قالمقده بردوام اولورسهق ، اللهه قارشى - اللهم احفظنا - کلش
اولمازمی بز ؟

بوخلدن یوقاریده ذکر ایتدیکم حالره رضاداده ؟ اولدیممز
معناسی چیقمازمی ؟

محترم دونما جمعیتی تشکل ایتدی . او ، امید ایدیوردی . فقط
هیئات هرشیده اولدینی کھی بدایتده بویوک برشوق .. مسابقدر ،
مزایدلر ، قونسرلر ، تبرعلر .. صوکنده ینه مشوم سکوت وسکون ...
بوکون دونما جمعیتنک دفترلری قاریشدیرمق بر مسلمانان یرک دیینه
کچیرمکه کافیدر . بزم کھی برملت ، حیاتی ، استقبالی دکرلرده اولان
برملت بویله می داورانیر ؟

مسلمانلر ، کیدیکز بر قاریش ساحلی اولان آووستریایه باقیکز .
اوراده دونما جمعیتنک وارداتی صوریکز ؟ کیدیکز بوکون نرده ایه
انکتریه : کل بویوزی اولچلم دییه جک اولان آلمانانک دونما جمعیتنک
وارداتی آکلایکز . بوسره ... کافیدر .

وطنداشلر ، دونما جشمده کوزدهده جکمزرقیب ، بعض ذواتک دیدیکی
کھی ، یونانستان دکادر . الک زیاده واک زیاده قوه بحریه سنی کوزدهده
جکمزمت ، رقیب او ابدی وازی دشمن اولمیدر . اگر ، اوکا
قفا طوتاجق بر قوه بحریه مالک اولورسهق ، روما روس سفیری :
تورکیا بلغارلره حرب آچارسه روسیهده تورکلره آچار ! سوزینی
سویلییه مز .

باقیکز : برهزیلیانک « ریودوژانیرو » اسمنده کی دردنناوطی
حاتیایور . بوکون بزده برارچه اثر حیات ، خون حیت بولونسهیدی
شیمدی بلکه بودردناوط « حیدیه » نک طاشیدینی بایراغی حامل
بولونوردی . نرده ... ؟ دونما جمعیتنه کیدوب صوریکز ، بودردنا -
وطی آلسین ! جمعیت یوزیکزه باقوب صورتی چویردرک : بو ملته
کووه نره کھی ؟ دییه جکنده شبهه ایتیکز . جمعیت بوندن بر زمان اول
بر بیاننامه نشر ایتدی . بو بیاننامه سنده : یکر می میلیون عثمانلیک
شهری برر غروش ، یالکز ۴۰ پاره ویرملری ایستور . یدیوزاللی
بیک عثمانلیکنده شهری برر لیرا ویرملری تم ایدیور . وبوکایالکز
بش سنه حصر ایدیور .

بوکامقابل ملته : بهری ایکی میلیون ایکی یوزیک « ۲۲۰۰۰۰۰ » لیرالق
۱۰ عدد برنجی صنف دردنناوط ، بهری بر میلیون « ۱۰۰۰۰۰۰ » لیرالق
۱۰ عدد برنجی صنف زرهل قرووازور . بهری بشیوزیک « ۵۰۰۰۰۰۰ »
لیرالق ۲۰ عدد قرووازور برنجی صنف ، بهری یوزیک « ۱۰۰۰۰۰۰ »
لیرالق ۲۵ عدد طورپیدو مخربی برنجی صنف ویریور . شیمدی طلبک
آزلفنه ، اهمیتسز لکنه باقیک ، صکردهه مقابلنک دهشت وعظمتنه باقیک .
برده کیدیکز جمعیته اجابت ایدلری صوریکز : بش ، آلتی جوابی
آلکز ، صکردهه اوراده یوره ککزه اینیورمه سین باقیهیم .
فی الحقیقه بوکر می میلیون عثمانلی دن ۷۶۶ میلیوننی طی ایتک لازمدر .
فقط بوکا مقابله ۳۰۰ میلیون مسلمان علاوه سی لازمدر .

آه ، یاربى نه حسسز ملتز ؟ مذکور بیاننامه حسبیله دونما جمعیتی
رئیسى شفیق بکه یازدیم بر مکتوبده : « ظن ایدر ایسه م طلب
ایتدیککز تمرداتی یرینه کتیرمیه جک کیمسه یوقدر . بوکون طرابلس
غرب حربی مناسبیه : - آه بر دونمماز اولسهیدی شو قورصانلری
نه تپهلردک ؟ دییه اظهار تأسف ایدن عثمانلیر طرابلسده قرده شلرینک
انتقامنی آلق ایچین برشیدن چکیمیه جکاری آشکاردر » دیمشدم .
زواللی بن ، نه قدر آلدانمشم . بوکون طرابلسده ایشلیان اوبوسلریله
ایکی یه بولونهن شهیدلره ، بشیوز بیک روم ایلی شیمدی ، ایکی یوز
بیک آنادولو یاوروسی قاتیلدی . بز ایسه ینه او علمده یز ...

آه ، دوشونیورمده عقلمه دورغونلقلر گلیور : رمضان شریف
مناسبیه هرکیجه اویونلره ، بر طائم مسخره لقلره ، حقه بازقلردویر -
دیکمز پاره لر ، مبارک بایرام مناسبیه بتون فلاکتلره رغماً اجنبی قاصه -
لرینه دوکدیکمز پاره لر ، دونما جمعیتنک قاصه لرینه ملتک تأمین حیات
واستقبالی ایچین دوکولسهیدی نه اولوردی ؟ بریریمزی اکسیایردی ؟

سنت اوزره کسيلمش فسلى برکيمسه طور يوردى . بن ايجرى يه کيردکن صوکره در حال اوده يانمه کلهرک شو صورتله سوزه باشلادی :

— افندم ، صنا کلديکيز! ذات فاضلانه لريله چوقدن برى کوروشمک آرزو ايد يوردم ؛ چونکه مسلمانلق عالنده ترکجه يکانه بر مجموعه اسلاميه اولان سبيل الرشاده مقاله لر بکزي کوردکجه سزه غياياً بر محبت بسليور ؛ کندی کنديمه سبيل الرشاد اطرافنده طويلانان ذوات ايله بر کوريشه بيلسم ديه پک چوق آرزو ايد يوردم . فقط بو ارزومه موفق اوله بيله جکمی ظن ايتزدم . چونکه بز يروته اقامت ايد يورز . بو دفعه برايش ضمننده درساده کلهرک بر آي قدر قالمش ايسه مده مشغوليتمک کثرتي اوراده سزلى زيارت ايتمه مانع اولدی . الحمدلله شمدی سزک ايله تشرف ايتمک نصيب اولدی . انشالله ديگر رفيتلر کز ايله ده تشرف ايدرم .

بنده شو صورتله مقابله نه بولندم : — کرک رفیقلم ، کرک شخص عاجزانه قارشى غياياً بسلا مش اولديکيز توجزانه تشکر ايدرم . سبيل الرشاد ايله بتون مسلمانلر علاقه داردر ؛ بو جریده بزم دکل ، عالم اسلامک در ؛ چونکه مسلمانلق عالتمک مادی ، منوى ترقيسندن بشقه بر دوشونجه سی يوقدر . مع هذا — طوغريسنى سويلک لازم کليرسه — مسلمانلرک سبيل الرشاده قارشى ابراز ايتدکلى مادی ، معنوى فداکارلق نسبتنده بر خدمت ايدمه يورز ؛ آنک ايچون بو جهت بزى جداً محجوب ايد يور . مع مافيه بو فداکارلق توالى ايتدکجه عون حق ايله بزمده خدمتمزى توسيع ايدمه جکمزده شبهه يوقدر .

— آمان افندم ، نه سويلور سکز! سبيل الرشاد تابدايت انتشارندن بو آنه قدر عالم اسلاميه قارشى پک بويوک خدمتلى ايتشدر ؛ طبيعيدرکه هرشى قانون تکامله تابعدر . مادامکه سبيل الرشاد مسلمانلق عالتمک مادی ، ومعنوى ايلرى کيمه سی ايچون ميدان مجاهده يه آتيلمشدر ، بو خصوصده کوريلن احتياج نسبتنده خدمتمزى توسيع ايتلىدر ؛ مع هذا سزده بو صورتله حرکت ايتمکدن هيچ بروقت کرى طور مايورسکز . از جمله محمد عاکف بکک کچن سنه بوزمان صانکه اظهار کرامت ايدرکى سليمانيه کرسيننده مسلمانلرى انتباهه دعوت ايتمى ، شو بر قاج آي ظرفنده اسلاملرک اوغرا ديفى فلاکتلى تصوير ايدرک اونلرک اولمش روحلرخى حرکت کتيرن مهيج شعرلرى ؛ صوکره عالم اسلامه کوندريلن مخبرلر ؛ دهاصوکره ميسيونرلرک نشر ياتنه قارشى واقع اولان مقابله حکيمانه بوقبيلدندر . بوقدر فداکارلق کوسترن هانکى غزنه وار ؛ هلا ميسيونرلره قارشى يازديکيز يازيلرى صوکره رساله شکلنده ، عينيله اونلرک تعقيب ايتدکلى بر اصولده طبع ايتديره رک مجاناً توزيع ايتمکيز طوغريسنى ميسيونرلک عالنده پک مهم بر تأثير براقدى . بن يروته ايکن اورايه رساله لر کلمه مشدى . فقط غزنه ده يازيلان شيلرى بالطبع کندم او قودينم کي کورمينلرده کوسرتريور ايدم . استانبوله کلدکن صوکره ده اقامتکاهم بک اوغلى اولدينى ايچون مجاناً توزيع ايديلن رساله لرک پک چوق تأثير براقدينى اکلادم . هله بو اصول اونلرى پک تلاشه دوشوريور .

عثمانلير ، عثمانلير ، اکر سز ، بوند نصکرده هيچ اولمازسه روم غارصونلرى قدر دونما کزه يارديمکيز دوقونمازسه اولادلر بکيزک ، بلکده — معاذاه — سزک آراتق بوند ياده راحت ياشايه ميه جکيز کي مزاردکى کيکير بکيزده راحت يوزى کورميدجک ، دوشمن چيزمه لريله قيريله جق ، قونياق ، شرابلرله ييقانه جقدر . بوکا امين اولوکيز ! اى عثمانلى زکين ! شيمدى يه قدر کوسترديکک جيمريلکده دوام ايدمه جکيمسک ؟ روم ايلي زکينلرينک قورقونج عاقبتى سنى اورکوتيمورمى ؟

دونمايه بش پاره ويرمه ين سيروزلى زکينک ، دشمنه ، بتون ما مالکنى ويرديکنى وينه حياتى ، قاريسنک ، قيزينک ناموسنى قورتاراما . ديفنى دويمادکى ؟ بوغيغ عاقبت سنى تدهيش ايتيورمى ؟ اکر سنده اسكى حالنده دوام ايدمه جکيسک ، روم ايلي زکينلرندن دهها مدهش بر عاقبت انتظار ايتدليسک !

مسلمانلر ، مسلمانلر ، اى هندک ، مصرک حميتلى مسلمانلرى . . . سزه وطنداشلرم قدر عتاب ايدم . فقط ينه معاتبسکز . امريقالى ، مصرلى رومک يونانليره ايتديکى يارديمى ، مصرلى ، هندلى مسلمان مع الاسف عثمانليره ايدمه دى . سزده همتکيزى ، اتريرماليسکز حميتکيزک ، وجدانکيزک صداسنى ايشيدکيز . بوکون سزکده رفاهکيز ، مسعوديتکيز ، آي ييلدزلى سانجاقددر . او — الله ، اوکونلرى کوسته رمه يارب ! — بولورسه سزک ايچين فلاکتلرک اک مدهشى دوغار .

بوکون دونما جمعتى قاصه لرى سزى بکليور . . . استقبال سزه انتظار ايد يور . . . دينکيزک بويوک سوزلرينه ، امرلرينه اطاعت ايدکيز . فلاح بولورسکز .

يوقسه قورقارمکه بر مصيبت دکل بيک مصيبت بيله ديده انتباهکيزى آچه ميه جق ؛ بو قاجينجيسيدر ؟ اسکدار :

ع . فخرالدين نجيب

مصاحبه

مسلمانلر فياقتنده کزله بربرونستانه ميسيونرى ايد

بوياز براى تبديل هوا اوده مشک برکى ناحيه سنک يايلاسى اولان بوز طاغنه کندم . بوسيله ايکي بچق آيدن برى سبيل الرشاده يازى ده يازامدم . بوسيا حتمه دائر بر چوق نوظلم واردر . ان شاء صره سى کلنجه او طرفلرک حيات علميه واقصاديه سى حقنده بر خيلى مهم شيلر يازمجم . فقط مشاهدات وملاحظاتى يازمه يه باشلامازدن اول ازميرده اولتده تصادف ايتديکم مسلمان قياقتلى بر ميسيونرله جريان ايدن شايان اهميت مصاحبه مزى ، مباحثه مزى عرض ايتمک ايترم .

اوتلجى بزم هويمزى تحقيق ايدرکن يانى باشمزه اورته بويلى ، بر آز بغدادى رنگلى ، سياه صقاللى ، کنيش پانطولونلى بيقلرى وصفاللى